

**Uunga siunnersuut: Radiukkut tv-kkullu aallakaatitsisarneq pillugu Inatsisartut
Inatsisaata
allanngortinneqarnera pillugu Inatsisartut Inatsisaat.**

*Ilinniartitaanermut, Kultureqarnermut, Timersornermut Ilageeqarnermullu
Naalakkersuisumit saqqummiunneqartoq*

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

siunnersuutit aappassaaneerneqarnerannut

ISUMALIUTISSISSIONAA

Ataatsimiititaliap suliarinninnermini ilaasortarai:

Inatsisartunut ilaasortaq Doris J. Jensen, Siumut, siulittaasoq
Inatsisartunut ilaasortaq Nivi Olsen, Demokraatit, siulittaasup tullia
Inatsisartunut ilaasortaq Mala Høy Kúko, Siumut
Inatsisartunut ilaasortaq Mariia Simonsen, Inuit Ataqatigiit
Inatsisartunut ilaasortaq Eqluk Høegh, Inuit Ataqatigiit

UKA2022-mi ulloq 4. oktober 2022 siullermeerinninnerup kingorna ataatsimiititaliap siunnersuut misissorpaa.

Siunnersuutit imarisaat siunertaallu

KNR aallakaatitassaliortarneq pillugu innuttaasunik soqtigisalinnillu attuumassutilinnik oqaloqateqartarneq qulakkeerniarlugu pisussaaffilinnik KNR-imi atuisunut siunnersuisooqatigiit taarserneqarnissaat anguniarlugu Radiokkut tv-kkullu aallakaatitsisarneq pillugu inatsisip allanngortinnissa siunnersuummi matumani ujartorneqarpoq. Massakkut atuisunut siunnersuisooqatigiisut siunertaq naapertorlugu ingerlasimannginnerat peqquaalluni tamanna siunnersuutigineqarpoq.

Ilutigalugu inatsit allanngortinneqarpat, politikkikkut upperisarsiornermilu ussassaarutit tv- kkut aallakaatinneqarnissamut inerteqquatalernerat inatsimmut ilanggullugit allaqqalissapput,

taamatut inerteqquteqarnissamut allaffissornikkut aalajangersakkat aalajangiunneqarnikuusut 2021-mi atorunnaarsinnejnarnerat peqquaalluni.

Siunnersuutip Inatsisartuni siullermeernejnarnera

Siunnersuut siullermeerinninnermi taperserneqarluarpooq.

Tusarniaanermut akissutit

Siunnersuut piffissami 13. apriliuit 11. maj 2022 tungaanut tusarniaassutigineqarsimasoq Naalakkersuisunit paasissutissutigineqarpoq.

Siunnersuutip tusarniutigineqarnernut atatillugu tusarniaanermut akissut amigaataasoq Naalakkersuisunit ulloq 6. oktober malinnaasillugu nassiunneqarsimasoq ataatsimiititaliamit maluginiarnejarpoq. Siunnersuutip siullermeernejannginnerani iluarsiisummik suliaqartoqarsimavoq, tassungalu tusarniaanermut akissut malinnaasillugu nassiunneqartoq kakkiunneqarsimalluni.

Ataatsimiititaliap siunnersuummik suliarinninnera

Siunnersuutip Inatsisartuni taperserneqarluarnera ataatsimiititaliamit maluginiarnejarpoq. Ataatsimiititaliaq isumaqarpoq KNR aallakaatitassaliortarneq pillugu innuttaasunik soqutigisalinnillu attuumassutilinnik oqaloqateqartarneq qulakkeerniarlugu pisussaaffilinnik KNR-imi atuisunut siunnersuisooqatigiit taarserneqarnissaat pillugu siunnersuutip takutiinnaraa, atuisunut siunnersuisooqatigiisut siunertaq naapertorlugu ingerlasimanngitsut.

KNR tamanut sullissisuunini ilutigalugu aallakaatitassiorermik attuumassutilimmik tamatigoortumillu qulakkeerinnituusumik pilersaarusiornerni innuttaasunik soqutigisalinnillu akuutitsisuussasoq nunatta assigiinngisitaartuunera qitiutillugu ataatsimiititaliamit. KNR nammineerluni aallakaatitassiassaminnik pilersaarusiornissamut sinaakkutissanik pitsaanerpaanik, innuttaasut eqqarsaatiginerullugit, peqarnissaa kissaatigineqartoq ataatsimiititaliamittaqaq maluginiarnejarpoq.

Tamanna tunngavigalugu innuttaasunik soqutigisalinnillu oqaloqateqartarnissamut pisussaaffik atuisunut siunnersuisooqatigiinnut taartissatut ajunngitsutut isagineqarpoq.

Ilanngullugu upperisarsiornikkut naalakkersuinikkullu isummat pilerisaarutigisarnerannut inerteqquteqartitsineq pillugu aalajangersaanissamik siunnersuut Radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaata allanngortinnissaa pillugu Namminersorrlutik Oqartussat nalunaarutaat nr. 37, 6. august 2021-meersumut tulluartutut ataatsimiititaliamit isagineqarpoq. Namminersornerullutik Oqartussat nalunaarutaani taamatut inerteqquteqarnissamut inatsisisssatut tunngavissaq amigaatigineqartoq pillugu Ombudsmandip oqaaseqaataata

kingunerisaanik Radiumi tv-milu upperisarsiornikkut naalakkersuinikkullu isummat pilerisaarutigisarnerannut inerteqquteqartitsineq pillugu aalajangersakkamik Namminersorlutik Oqartussat nalunaarutaat atorunnaarsitsivoq.

Siunnersuutip aningaasatigut kingunerisassai

Siunnersuut piviusunngortinneqarpat aningaasatigut kingunerisassai siunnersuummi nalinginnaasumik oqaaseqaataani nassuiarneqarput. Tassani ima allaqqavoq siunnersuut aningaasatigut allaffissornikkulluunniit pisortanut kinguneqarnavianngitsoq. Innuttaasut soqtigisalinnillu attuumassutilinnik oqaloqateqartarneq qulakkeerniarlugu suliassat aningaasalersorneqarnerat KNR-imut ingerlatsinermut aningaasaliissutaasut aqqutigalugit aningaasalersorneqassapput.

Ataatsimiititaliap inassuteqaaatai

- Ataatsimiititaliap isumaqatigiittup siunnersuut akuersissuttingineqarnissaa innersuuppaat.

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaaniigassanngortippaa.

Doris Jakobsen Jensen
Siulittaasoq

Nivi Olsen
Siulittaasup tullia

Egaluk Høegh

Mala Høy Kuko

Mariia Simonsen